

邃

雅

堂

集

遼雅堂集卷之七

起乾隆甲午至戊申

歸安姚文田撰

古詩二首

物候異昏旦歡樂當及時
譬彼桃李花熠熠揚春姿
懷秋多風霜人事安可知
所思不能見忽如渴與飢
龜筮既我厭魂夢亦已疲
終當酌春酒共此百歲期

脩琴發清響日夕再三鼓
鼓之不成曲儵忽千萬緒
浮雲蔽宮闕良人在其下
路遠莫致之瞻望涕如雨
采茶

寘道周采薺願盈筥甘苦本不同此意復誰語

楊花曲

花飛不戀樹但逐春風旋自謂輕薄姿零落泥塗間何
意爲風吹直上浮雲端

直上浮雲端飛揚不自見下顧同開花迢迢隔霄漢詎
知風力柔反被游絲絆

登法華山望太湖

陂湖行盡風滿衣長松夾道皆十圍蒼鼠飛騰松子落

一徑迤邐通禪扉升堂啜茗甘入齒泠泠石溜噴珠璣
山僧剖竹不用汲懸流倒向齋廚飛扶筇踏磴躋絕頂
仰見虛榭淩崔巍洞庭具區在北戶蛟宮貝闕騰光輝
汪洋四萬八千頃吐納已盡三吳畿思昔洪流未奠初
龍蛇起陸發殺機不知震蕩復何似令我望古猶增歎
青蓮生舌迹涉怪此事安足辨是非吁嗟前聖去今遠
如可作也吾誰歸

朱壽巖翁畫雙松歌

翁諱山字懷人歸安人
乾隆辛未進士官知縣

虛堂颯颯生長風墨池飛出雙蚪龍盤拏勢欲拔地軸
鬱律上戛穿鴻濛朱翁倣儻有奇氣得酒不辭千日醉
家無儋石客常滿雄辨高談極瑰異旣工文翰尤善畫
驅遣雷霆走精銳每當得意輒狂叫驚使旁人起相避
畫松能出胸中奇張璪畢宏安足師拂几鋪紙筆未下
巨觥傾倒如漏卮淋漓墨瀋隨所到忽然貌出生枯枝
凌競疑受霜雪壓正直儼有神明持是圖吾祖昔所貽
早歲讀書南山陲殺雞燒筍敗園竹老僧嗔怪聊相貽

翁嘗與先大父同讀書道場山之歸雲菴一日見巨
筍出地翁斬筍納雞其中掃竹葉煨食之老僧見而歎
曰筍未斷斷根園竹皆敗矣翁因作此馴之後歸吾家已三世寶之不異球

圖遺回看門外雪盈尺笑憶溪橋曉踏時

翁嘗大雪過倉橋爲鄉人

荷擔因索飲一時傳以爲笑蓋翁偶與戲耳其不羈如此然大德不踰故鄉里無非之者厯官燕閩多惠政奇人也惜後葉甚不振故附記此以當小傳

詠雞毛筆

備德稱家畜高談異衆喧一鳴驚萬戶餘事富千言節

操塵難汚

毛可作帚

文章名益尊昂藏翻笑鶴祇解羨乘軒

寄懷太原李澍秀才

御李情無極臨風憶昔游
水亭荷氣夕山館菊花秋
觴詠何人在關河匹馬愁
汾陽今夜雁一一到南樓

庭中手植芭蕉數本

虛堂颯颯早涼生
小院陰陰翠幄成
一事最於幽性愜
夜來和雨作秋聲

乙未歲讀書晟舍之閔氏祠堂

一池新水碧生烟
祠屋巉嵒接野田
夜聽魚戛心轉寂

晝喧蛙鼓地真偏外家舊德猶堪仰

予高王母爲閔莊懿公孫

先世

遺經更自研憐惜感叨師意厚宵淡頻起爲催眠

予夜讀常

至漏盡師於隔舍聞之輒喚睡不睡則親起促之

哭高東井

名文照武康人乾隆甲午舉人時應禮部試沒於京師年三十二

屢接談詩席曾稱積善家斯人今已矣吾道豈非耶禮數方三拜才名溫八叉方剛忽隕替灑淚向京華

隨大人之揚州途中七首

莫宿東遷

野色寒方暝溪聲礙復流人煙猶故邑風荻入殘秋
滌供行役馳驅異遠遊倚間知有憶回首暮雲愁

鵲脰湖

秋風吹遠水新漲落寒塘估客投淡市閒亭對夕陽
鰕魚初出網丹橘早經霜卜築情空羨邁征計未遑

姑蘇夜泊

風煙通震澤知是闔閭城宵市連鐙火樓船沸管笙
路尋香徑遠屨想麗人行麋鹿荒臺盡胥潮尙未平

無錫

霜月楓江落人烟許墅過城臨秋水闊山逐客帆多風
腋泉初酌塵顏酒慙酤言尋伯鸞宅空記五噫歌

雨後丹徒曉望

蓬背收殘雨天容曉正開海門看日湧江郭候潮回鳥
雀喧空鳴楓杉覆舊臺羸秦早鹿走何苦鑿山來

京口登海嶽樓

天塹分南北雄圖啟仲謀孤城餘落照眺遠上危樓山

勢金焦斷江聲日夜流芒芒思禹跡此是古揚州

渡揚子江

江樹暮蒼蒼江流接大荒
蒜山天遠近瓜步月微茫
霜雁寒初警風帆飽自張
平生慕宗慤投筆興逾狂

丙申正月十二日同沈表兄

琳

平山堂看梅歸謁

史忠正公衣冠墓

蕪城晴色動平蕪
畫舫纔通綠滿湖
萬里江山來楚蜀
一時觴詠憶歐蘇
花閒覓徑過應數
客裏逢春興未孤

行徧南朝開府地墓門淒絕有啼鳥

送沈大琳之京師

瓜字洲前春水生茱萸灣裏暮潮平相看風景牽愁處
那更河梁惜別情漠漠殘雲隨去雁冥冥淡樹聽啼鶯
舉頭試望長安道惟見孤帆落照橫

秋望

秋望不可極亂山橫夕暉我行本無事歲晚盍言歸海
國南雲逝江城北雁飛遙知慈母意早爲念寒衣

落葉

春妍忽已謝商律動寒音霜重葉爭下庭空風亂吟亦
欲依故枝柰此節候淡念彼少盛日焉知歲晚心

擣衣曲

惻惻復惻惻草木含愁雲變色遊子豈無家胡爲淪落
長天涯邊關九月驚寒早夜淡血淚啼悲笳河水如練
雲如織終日攬之不盈尺候雁南飛邊馬嘶無衣忽獨
悲行役妾本愁腸比轆轤中宵輾轉何時無哀風淅瀝

鳴四隅側身遠望淚霑裾願妾化作合歡襦千里萬里
隨君軀

擬自君之出矣

秋月何皎皎清光滿簾帷簾帷久不開涕泗沾裳衣白
君之出矣魂夢良不怡柔腸化車轂一日千萬迴離離
夜鳴雁長漏何時旦迢迢牽牛星杳杳隔河漢人生比
石堅石復有時爛胡爲百年中尙勿長相見

擬涉江采芙蓉

菡萏生方塘爛若朝霞布託根淤泥中誰能掩其嫵明
妝臨曉鏡遠馥帶殘露攀折豈不懷水深安可渡川上
秋風來時序忽云暮藕生絲已多葍生蕙尤苦微物知
有心脈脈不得訴

哭前太守樊西渠邑令劉石渠兩師

知己不常有吾懷良獨悲自昔甫髫髻強學爲文詞十
二始就試未辨妍與媿何意劉使君一顧寵不遺兩兄
旣拔幟余亦操戈隨樊侯二千石道義真吾師報國首

植士愛才羅不羈緊余本駑駘謂當千里馳歸田不忍
別相對忽涕洟殘夢一奚促欲報知何期今我且不售
兩公遽云衰每懷泉下人涕泗橫交頤所負知己心此
責當者誰西渠師曾以六客堂賦命題余率用吳蘭次
官如殘夢二語公見之色駭也未幾落職竟
成讖語

岳忠武王墓

鄂王埋骨此山幽宰木無風盡日愁畫地竟忘南渡耻
戴天誰念北轅讎黃龍痛飲成虛願白馬偏安豈本謀

歎惜清河亦人傑遂教青史污千秋

墓前四鐵人
其一張俊

錢塘觀潮

一聲初轉海門雷萬疊眞如雪作堆盛氣已吞文種墓
餘波猶上子陵臺底教金寇全師去合借錢王射手來
欲寫壯觀愁筆弱銀山飽看只空回

是山草堂 曾大父舊築也戊戌春日偕友人過

此留飲卽事

三逕閒尋舊草堂暫時相賞趁年光涵空碧沼生新漲

隔院濃花出短牆
鸚母杯淡方進酒
蝦鬚簾靜但聞香
阮家道北居常近
勝日頻過惜未遑

秋宿避邨山莊

茅屋幽棲穩
翛然出世同
竹鑪烹澗雨
松戶納林風
遠夢寒山外
秋聲黃葉中
吾生應有託
前路問征鴻

避邨山莊題壁

蒼翠周遭合
晨昏態萬千
微雲低遠樹
高鳥隱寒煙
樵逕山田外
人家竹鷗前
開扉當落葉
移屣俯流泉
溪女

來看客邨農各問年

清時誰避地不敢溯前賢

哭伯兄四首

客舍相依榻尙同

予從大人之邨上與兄常同榻臥

情親師友十年中

狂飈吹散飛鴻影
姜被寒生舊夢空

五載揚州繫夢思
江流泯泯挂帆遲
如今化作傷心水
淚比春潮正上時

病裏登樓尙檢書
傳家斷簡愛收儲
丹黃小字親題徧

芸歇餘香走蠹魚

江上驚蓬捲夕飈崢嶸時序客魂銷今年臘盡還逢雪

欲賦歸來有楚招

予收兄殘稿得在揚時一絕云凜凜歲云暮風光惱病身天寒將雪意臘

盡未歸人

大風歎

頽景乍西匿疾風揚塵埃庭院曠無人簾戶歛已開始
如軍行遇伏發輕車激矢相奔突漸如蛟龍掀波濤長
河倒流海水溢喧闐萬竅皆有聲熊咆牛哢雷霆爭勢

翻坤軸鼇足折力撼天柱媧皇驚兒童牽衣怖且哭但
聽屋瓦飛前楹馮陵震蕩誰所致蒼茫不識天公意或
恐蜚廉擅作威九重號訴何由至明日無風繞舍看長
松半折菱蒲殘老農輟耒道旁泣沙壓平田禾已乾

食橘歌

有鳥有鳥過啾啾告我果熟鄰家園叩門欲驗素書語
朱實顆顆垂條繁試摘餘香先滿手霜氣棧棧甘入口
江浦巴陵誰獨誇張梨梁柿應難偶種樹有書求不得

念我方當事行役卜築南山幾日諧秋風歲歲成空憶
橘中二叟今在不此樂於我焉所求但願宅邊江上足
千頭富貴何必殊封侯

見二鶴爲野人捕得感而賦之

九皋仙翼來緱嶺卓立軒昂意清迥纖吭嫵趾玉羽鮮
茲禽那得雞鶩並魚網之設鴻則罹擇地而蹈無乃乖
區區一飽安足縻張羅乃不如鳥飛長庚低懸滄溟窄
萬里誰能斂其翮胡不冥冥自颺去翱翔飲啄俱恬適

峨嵋洞天仙子宫珠旂羽蓋隨青童上叩閭闔排鴻濛
一朝誤落罨網中側身舒翼悲長風兒童拊掌燕雀笑
橫霄壯志能無窮縱然鼎俎亦無患幾人高義如支公
冬日過鴻禧禪寺

步履過蘭若虛堂正飯鐘烟容寒弱篠雪意媚孤松晚
課魚山唱高情蓮社蹤未能忘粲可風雨鎮相從

由萬松嶺步至淨慈寺

山中適我趣乘興不知往林梢度鐘聲天際落松響扶

筇屐徑滑坐石蒼苔長紺宇一面湖明危峰切雲上寺僧
解夢客招邀憩方丈烹茗試新泉再酌覺神爽歸來發
浩歌斜日澹書幌

憩古墓下有感作

呼靈不得語蒿邱何纍纍蔓草萎秋霜松柏無留枝落
日走鼯鼠疾風噪狐狸狐鳴風轉烈屏營不能發欲覓
道旁碑空遺塚中骨百年會有盡一去如流川古人重
榮名斯言豈徒然

同丁秋水

溶

周司燧

以烜

游春箕泉

我愛南山陲僧廬結空曲杖策時復尋入門見脩竹潏然清泉流一塵不可觸慎勿出山去令人卻濯足

送張

文照

俞

德綱

兩秀才歸四明

江水渺無極故人從此辭劇悲分手易特遣挂帆遲命駕知何日

時與余有游四明之約

吾歸亦有期西興山色好愁絕

是臨歧

寄懷張俞兩秀才

講舍花爭發新詩改復哦別來春事盡夢去越山多松
籟盤高嶺江聲轉大波所思忽不見憑眺柰愁何

己亥春讀書杭州之萬松書院時余與同邑丁溶

孝豐吳五鳳鄞黃定衡張文照俞德綱皆以次

歲迎

鑾獻賦爲學使南昌彭公檄調來省妻弟周以烜嘉善

人吳君弟子因帥以行其時仁和宋大榮馬廷

楠餘杭姚亮祖山陰陳懷諸暨壽渭蘭以書院

肄業生並先在焉聯五郡之士結數月之歡忽然不知其樂未幾張俞以試事歸後旬日宋馬陳壽皆散去而余亦將行矣俯仰之間頓成今昔悵然言別情見於詩

孟春氣始和汎舟武林道講舍依南山日夕事研討良友接三益慷慨傾懷抱高義發昌言天才散葩藻詩愛吳體清士稱丁掾好周郎信英俊黃生實師表閑雅推孟陽談諧有清老餘子皆翩翩吾宗亦矯矯雄辨銀河

懸痛飲玉山倒松桂徧捫厯巖岫剔溪沓左挹湖光澄

右睇江流小危亭倚山半長歌風浩浩

亭有聖祖御書白居易

海漫漫新樂府石刻

狐鬼中夜噪童僕各驚擾持杖競毆索譁論

不知曉浮雲隨天風倏忽去如埽離緒常苦多歡宴常
苦少分手何匆匆會面殊草草黃鵠有奇翼去去凌蓬
島相期以奮飛致身恐不早

遊夾山瀆茅菴

素懷溺幽曠清境絕塵鞿門前秋水多雨後翠微重齊

堂鐘未午茶竈泉初動對茲頗神王安能事倥傯

對菊

金風已送滿城寒老圃秋花且自看三逕荒餘香漠漠
一尊清對影珊珊穠芳早謝芙蓉泝妖麗終輸芍藥欄
千載幸逢彭澤宰宅邊籬下獨盤桓

不寐

茗椀偏能卻睡魔攬衣頻聽夜如何天高過雁知寒重
秋老啼螿入怨多故侶久無烹鯉字壯懷空有擊壺歌

柝聲迢遞增惆悵起倚危樓看曙河

寄潘大

蘭森

蜀中

送君西去蜀五見菊花時春色銷睂嫵秋風動鬢絲空

懷錦城樂誰送草堂貲檢點芙蓉帳言歸莫後期

君幼育於

舅祖曾冒張姓續婚後踰月卽遠行故有睂嫵之語時同人餞別以錦城雖云樂十字分韻

棲賢山揆梅憩澄心菴

一路問花去不知已在山僧寮空翠裏坐看白雲還

圯岸行

高岸歟旁圯上有蘭與蓀熠熠方自華一蹶苦不存昔
爲朝露滋春水揚其根孤芳旣殊衆百草誰比倫植根
非不高所託乃失親先秋獨隕替榮悴難具論安忍軼
世姿踐蹋成路塵

同楊四

宗嶽

章四

寶書

至雲怡堂卽留宿

近郭傳靈境雲居接水邨徑依芳草入庭亞早花繁在
沼魚知樂投林鶴避喧繩牀猶許借賴有素心存

宿雲怡堂贈道士蔡松友

師宦家子幼喜導引術生子後卽棄家不返曾
訪道至海外頃年棲真於此操行清苦非他人
所及

方丈蓬萊欲到難人間猶說大還丹獸鑪香重潛通鶴
菌閣雲深幻駐鸞獨有仙楂浮渤澥早時塵夢覺邯鄲
蒲團夜聽長生訣不用傳言憶紫蘭

雨後招沈皆山環家漁生鴻出郭閒游代簡

風簾驀見柳吹縣過眼春光又一年步履舊經餘眷戀

二
袷衣新試覺輕便山藏宿雨濃施黛草入新晴綠化煙
佳日素心難並得可能同泛碧湖天

偕同人出郭遊因步至峴山寺小憩復乘舟循山
塘歸時已向暮漫成

青山面面抱城闌碧水粼粼展縠紋香陌偶隨遊騎轉
幽居暫與老僧分好花狼藉春可惜芳草淒迷日易曛
塔影橫沙人已散一舟如葉伴歸雲

狂歌遣興

狂歌對酒空齋夕漠漠苔陰鎖淡碧秋以爲期雁不來
雨無其極雲仍積樹穀尙能謀一穫種瓠空驚客五石
明日荷鋤將入山世事何由等遺迹

野望

松林慘寒日暝色照平蕪但見野雲合不知山有無

四愁詩

倉庚先鳴百草滋巖壑窈窕開春姿鈿車寶馬接路馳
新妝華服相娛嬉問子胡爲涕沾衣高冠岌岌劒陸離

手攀藕車佩芷離蹇不行兮將誰貽

緒春告謝朱鳥騫赫赫眈眈驕陽宜鳴鳩乳燕庭院閒
溫風密樾交前軒問子胡爲涕沾翰盛年一去不可攀
雷聲忽作車盤盤黑雲晝壓如頽山

洞庭波兮木葉黃蒹葭朝露忽爲霜長空冥冥鴻雁翔
啼蜚四壁秋聲涼問子胡爲涕沾裳白日飄忽天無光
薄寒中人氣不揚山中蘭杜何時芳

北風蕭條霜霰霏山空木落元猿啼黃昏孤月冷入幃

仰見營室西南移問子胡爲涕沾肌歲云暮矣將安歸
堅冰欲渡征馬嘶道旁行客無完衣

初春見柳寄懷張秋槎

溶

時客游關中

凍雪纔消沙水清拂隄楊柳最關情驚從少婦樓頭見
愁向鄰家笛裏生朝氣早回鄒衍律東風應到亞夫營
故人雙鬢還如舊莫聽尊前唱渭城

唱渭城

放翁詩倦游短鬢無多綠生怕尊前

聞秋槎入蜀又寄

故人書斷又經年聞說西游向蜀川作客定爲王吉重
依人還賴鄭公賢不堪秋氣來巫峽無限鄉心託杜鵑
卜肆若逢須問訊此生何處得安便

沈秀才席上分賦得蛺蝶四首

生就憐嬌小人前定不猜自憑花逕熟時過短牆來
花下棲曾慣風前舞更輕兩三時結伴也逐踏青行
扇避狂奴撲衣含怨女香寸心偏惜爾畫手欠滕王
結習迷芳草餘情問落花杜陵春去盡孤夢向誰家

沈秀才欲納一姬不果以詩調之

鳥爪仙人背欲鞭相逢不敢問華年蓬萊海水曾清淺
可是情波亦易填

天風吹斷步虛聲夢醒瑤臺月自明一自詩人饒舌後
至今爭憶許飛瓊

恭壽堂古松殆宋元時物時予贅居魏塘棲止其
下乾隆辛丑九月也

陵谷幾回變喬柯何似此留遠聲長入夜清思不關秋落

月驚棲鵲奔濤起怒蚪託根緣得地終謝匠人求
黛笠千年在蒼髯百尺餘不愁無雨露祇是戀庭除世
事難高枕年華且著書石牀隨意坐爲愛晚風疎

擬洛陽女兒行

洛陽女兒麗且都紅玉築體珠爲襦明璫翠羽不足數
皓齒脩眉世所無尋春紫陌多懽遇馬上相逢數留顧
明珠十斛白璧雙不嫁貧儒嫁紈袴侍兒擁出七香車
步搖金雀堆雲鵲萬年杯底酌春酒九華帳裏籠朝霞

狂夫富貴恣游譙轉頭不計春風換黃金向盡賓客稀
紅顏未老歡娛變金谷園空梓澤荒芙蓉搖落戰秋霜
不如貧賤江頭女嫁與臨邛賣賦郎

夢有薦余任劇職者醒而自嘲

伏櫪誰從仰首鳴遺經獨抱臥柴荆流連逝者歸隨會
欣慕何人似晏嬰鄉里佳評來月旦文章虛譽到公卿
蘧蘧寤後真應笑認取青衫太瘦生

未必今朝便覺時夢中占夢亦何奇瓜田空憶封侯日

槐國居然典郡時章甫分明殊越製濫竽慙愧雜齊吹
九霄一鶚風無力吾道猶能學守雌

寒翠樓賞梅四首

東皇結習近繁華姹紫嫣紅各自誇香極別饒清意味
天然風格散仙家

冰雪心情佐鼎才丰姿還合住瑤臺直教開占羣芳首
也費天公計較來

廣平鐵石心猶轉姑射神仙態未分看盡東風千萬樹

評量祇覺不如君

惆悵無言獨立時
月斜霜冷見橫枝
巡檐一笑從君索
縱有淡杯亦不辭

壬寅春日客遊婁東回至姑蘇途中風雨甚惡

野渡驚聞衆木號
長年齊指海雲高
雷驅猛雨來孤寺
水挾顛風舞萬艘
已悟浮生同石火
敢將輕死直鴻毛
扁舟暗動歸來興
苦憶青山手自搔

余初赴太倉宋刺史幕及至婁東值刺史往攝首

郡復回舟詣姑蘇郡舍越日書懷

隼旟西邁失淹留浪迹真成不繫舟
客裏春風過上巳尊前夜雨又吳州
朝廷願識羊中散鄉里何如馬少游
歸去恐成溝壑老百年私計總煩憂

古硯脩琴伴寂寥竹簾鐙影暮蕭蕭
病憐花雨春如客怨入江聲夜有潮
五技不成慙鼯鼠一枝聊寄學鷓鴣

夏材正待中郎聽爨下尋聲恐已焦

時留閩府試卷

木蘭堂夜讌卽席呈宋五使君

茂苑鶯花爛漫春更逢東閣盡佳賓書家舊數楊凝式

楊文靖圖人善書

詩派今知謝茂秦

謝文鳴篁江右人善詩

文字須謀長

夜飲管絃卻笑後堂人洞庭句好終難和虛負淡杯到手頻

題翁貞母詩集

貞母爲仁和翁孝廉光麟聘室孝廉邁親喪以
毀卒貞母未婚守節年七十大吏以聞於朝
旌其門

鷗絃發哀音四座意蕭瑟孤雌悲其雄生存不同室許
身一何迂大節不可奪貞母武林族系自昌黎出阿母
事已奇緇抱朱陳結喪亂各天涯音書兩乖絕守死志
不渝垂暮成嘉匹生女稟閨訓松心抱蘭質書史通大
義言動森法律孝廉初委禽居憂邁孱疾御輪尙無時
泉路忽已訣柏舟在中河皦日矢同穴寒風生總帳天
地爲慘烈慘烈復何如中夜肝腸折看硯千悲辛檢書
一鳴咽

事見
本集

吟成淚橫墮欲讀那能卒纒絲當用素汲

水當用潔丈夫儼冠纓脂韋不自怵聞此貞母風得無
顏面熱

寒雨

寒雨昨夜至春去已無迹不見園中花愁煞園中客飛
英墮藩溷那望沾茵席賦命本不同零落空嗟惜

擬古十首

種蘭盈九畹秋至化爲茅采采不堪紉夙昔空自勞嚴
陰催急景庭樹暗已凋何以慰遲暮憂至不可銷

孟春始戒塗芳草被原隰冉冉秋風生馬首下殘葉客
心復如何脩名苦不立日暮江雲寒川長渡無楫

新月出東壁照我庭中樹美人在何許迢迢隔煙霧上
有嵯峨山徑仄不能渡下有清冷淵水深不可赴

晨興入山阿銳意凌高巔投杖不擇路迷陽梗我前途
窮人力竭歸臥空自歎不如守舊蹊峻嶺猶可攀

河伯不東游焉知滄海寬斥鷃依樊籬乃笑鯢鵬搏物
情蔽於近顛倒隨譏彈是非豈難剖柰此坐井觀

上山采蒲荷入澤尋斧柯物生固有常無乃言者譌蛾
眉入深宮怨妬方交加君如不識察謠詠日以多
涉冬氣懍烈堅冰何皚皚夙昔肝膽傾不宜中道乖苦
匏雖不食濟川猶取材相期以白首德音還復來
塵事久填委歲月如頽波不樂復何爲坐見毛髮皤
覈旣已陳絲竹方駢羅歡樂亦有極過此當柰何
高樓臨大路冠蓋何鬱鬱越女顏如花當筵理箏瑟道
心本無營幡然謝儕匹山中有蘭杜歲晚猶可擷

東髮游藝林放懷在書史耿耿如有憂攬衣中夜起庭
草露已團孤鶴鳴不已空谷楚然來願言覲之子

江東行贈無錫顧孝廉

杏章

時共校文姑蘇郡署

君家清譽騰江東始自東吳丞相雍流傳千有四百載
遺派猶遍三吳中涇陽兄弟出前代苦爲人心留節義
姦徒巧借陷正人坐使忠良竟空類當時講學豈遂誤
太息存亡實天意裔孫挺挺人中英弱齡一奮先人鳴
高文簡古盤鼎重

所製書室
各銘絕佳

新詩煥爛雲霞明南州共

作平津客尊酒論文樂晨夕驪駒忽聞已在門口不能
言意淡惜同君俱住菰蘆間只隔湖光不隔山惟應乞
得樵風便穩駕扁舟時往還

自吳興至梁溪由
太湖一夕可達

同人遊虎邱戲爲長歌

微風拂拂官路香踏青遊女驕春陽幽埏鶴化尙有市
宿草人埋空斷腸山中劍氣猶堪識星斗夜衝山鬼匿
一從西子入梧宮祇道吳人偏重色畫船絲管日紛紛
野草濃花散夕薰能消脂粉塘前氣尙有纍纍壯士墳

秋渡太湖時水波不興萬頃一碧見小舟泊柳陰
下有漁婦理漁具老翁酌酒對之意良適因題
寄內

爲客經時尙未還五湖秋水照塵顏何如一舸攜家去
浩蕩煙波得自閒

附答寄一首

已聞黃葉下秋波兩地離愁誰較多願得曲湖歸賜日
爲君親手織漁蓑

先室周夫人所居日紅蕉閣因以紅蕉閣主人自署學作詩本不甚多聞

家人言病中索火盡焚之今可記憶者
僅三四首不能成卷故附刻拙集中

和內時由魏塘歸吳興壬寅八月二十七日也

吟君新句增惆悵一別高堂如遠遊嬌戀未能忘小日

獨居無奈又殘秋

內子家僅寡母一弟已先逝

索郎酒薄難成醉待

女花香不療愁坐久夜淡涼意入已看華月在西樓

附初至湖州原作

慈闈小別何曾慣誰料子歸成遠遊兩地隔應論萬里
一宵長欲過三秋難求侍婢名如願不信佳人字莫愁

簾外西風催暮景數聲清雁度高樓

重至婁東州署雨後登鎮洋山同謝丈

鳴篴

作

微雨秋氣薄亂蛩吟暮涼竹陰仍覆沼荷葉半敲塘隱
几殘山碧扶藜落日黃登臨陪謝客好句滌愁腸

題晉江楊丈

堦畫卷

洞庭煙雨晚濛濛千點秋山杳靄中
鼓枻願隨漁父去亂流聲裏駕孤篷

題六合吳秀才五月江溪草閣寒圖照

竹簟生寒五月秋清江一曲畫圖收菰蒲水滿鷗分社
菡萏風多客在樓門外潮聲通海口日邊帆影辨揚州
知君避俗非逃世坐挹梁岷萬里流

歸自婁東留別諸子

班馬蕭蕭客戒塗知交分手各踟躕稻梁久困隨陽雁
風雨聊爲借樹烏設醴未忘甯僂怠食肝詒累亦非夫
今朝空谷行歸去慙愧居人賦束芻

吳江道中

落日已銜山漁歌正往還帆行孤鳥外人在五湖閒淺
瀨修蘆出荒邨白水環此時未歸客愁對狎鷗閒

楊丈

靖

見贈墨竹後復寄以尺幅作詩報之

先生畫竹溯神妙千竿萬竿意獨到愧我生無白傅才
以詞刻畫何由肖老文已矣仲圭死世人紛紛誰解此
敲斜厯亂不足喜兒童但要求形似興來揮翰疑有神
兔起鶻落語逼真斂手顧我忽長嘆放眼入世皆囂塵
我出無車食無肉盡日攤書閉門讀但令一日有此君

免使良醫笑人俗先生贈我重錯刀報之何有英瓊瑤

飛鸞忽復月隨集

所寄尺幅自題有青鸞隨月到湖州之句

爽氣頓與秋俱

高洞庭煙波九疑月欲往從之路難越淋漓素壁墨瀋
新清風夜夜爲我發嗚呼先生道則工先生之道將奚
庸試持入市易斗粟旁人已笑癡駭翁不如歸買臙脂
色繪作春山桃李容

病起

十日人事廢空庭秋草滋蠹魚穿畫篋鼃網亂琴絲南

雁兼愁到西風有病知更爲行客久腰帶得無移

夜坐

涼月白於銀虛齋夜向分亂蛩吟晚露孤雁沒寒雲花
重鐙逾暗風多柝易聞著書甘寂寞翻欲笑元文

獨酌遣悶

中庭草長沒行蹤病久淡知百事慵畏我友朋空欲往
豈無膏沐若爲容獸鑪試撥香猶暖瓦甕新藏酒正濃
且便放懷成獨醉不知新月在高峰

棲賢山看梅題野人屋壁

一樹溪橋外尋香直到門不知花下路已入水西邨山
護春寒淺參橫野店昏向來幽賞地吾亦暗銷魂

食芋

蔬譜饒風味生涯託芋田讀書愁尙誤買字肯輕捐久
謝求遷策虛懷領相年地鑪溫有火慙擬學安禪

閨夜偶談神仙事戲爲長句

不愁私戀誤長生玉籍端須注姓名塵世每疑偏重色

神仙誰識亦多情
舟辭鄂渚留詩在人下
鍾陵寫韻成
天上定知多眷屬
葛洪猶記挈家行

癸卯春登法華山用寺壁刻東坡與胡祠部遊此

山詩韻

雲峰突兀開蓮界
靈氣猶分蒼弁派
遊蹤不到已十年
洗滌塵襟聊一快
長松夾逕還謾謾
飛澗入廚仍泚泚
是時天氣正和暢
門外遊人苦填隘
獨登絕頂望具區
惆悵孤亭已崩壞
榜題舊是吾家書
勢逼唐賢奪險怪

望湖亭額字大運六尺爲先從祖世鎬書全用歐法太
守沔陽李公絕愛賞之每政暇輒縱馬往觀不能去

當年矜賞荷賢守雨日今嗟恣漂曬不知舊觀誰可復

虛說茲山富蔥薤

舊說山有蔥薤下有金銀弁山產此甚多

眼中興廢付長

喟且借湖光破拘械

本高啟太湖詩

狂歌直使山鬼驚大書不

管僧壁疥郭文鹿裘尙可著嵇康鸞翮終愁鍛何如及

此江南春一了平生看山債

題牧圃

在法華山麓爲外家沈氏別墅

路尋脩竹灣復灣榭陰淡處見禪關鳥啼山靜白日午

清磬一聲雲正還

次日復遊道場山晚憩歸雲菴

我昨曾作北山遊靈境盡日供揆揆南山日日當戶牖
不到恐使山靈羞天晴無風氣暄暖侵曉催放前湖舟
陂塘行盡蒼翠合豁然林壑開清幽修蛇路盤紆字出
老僧迎候杯茗留山泉泠泠滙溪碧俯見出沒嬉輕儵
人言道場勝在巔攀藤捫石那便休晴空突兀聳層塔
天宇曠蕩舒吟眸始知人境實喧隘況我夙好耽林邱

山中高士逝已久清風尙足垂千秋閒雲不歸故廬在
坐看溪水門前流

自省試回夜渡敢溪

漁浦鐙全暗螺峰月半沈天邊驚鶴返枕底蟄龍吟積
雨帆偏重滄波秋漸深殷勤問前路誰慰濟川心

甲辰正月十八夜大雪連日不止積雪深至沒馬
余時以獻賦先期至武林僦居小樓行泥載道
匝月不能出戶作此排悶

入春已五日

十四日立春

天氣猶苦寒嚴風何慘悽仰矚愁

雲攢飄霰初淅瀝霏空遂彌漫皚如散玉屑紛若墜羽
翰昏曉再變更始覺意漸闌開門試縱目不見天地端
平川失曠蕩衆峰迷巘岼白日慘不陽后土何時乾
余本寄居丈室苦不寬乘暇過朋舊日夕資盤桓泥濘
已沒馬柰此行路難旣悲窮檐漏復軫行客單念彼荷
檐人蔬菜供盤餐所恃獲纖微果腹聊自歡寸步涉艱
虞反復增哀歎未知洛陽令何以慰袁安

余與沈巡梅

南春

兄弟幼同文社茲巡梅自北來

復同寓昭慶禪寺之經房因贈

小時黑白迷心胸強從文陣爭雌雄眼中尙欲無前古
流輩紛紛何足數邇來略見數行書始知腹大中空虛
與君少小共硯席馳獵名場十載餘君先射策登金
殿我尙沈淪守里閭茲來同向梵宮遊細數平生各顏
汗文章餘事安足論長楊奏賦嗤揚雲謝公須爲蒼生
起莫被時賢卻笑人

秋至

秋至人閒百感興
羅衣先覺薄寒增
風催病葉凋金井
星入危樓耿玉繩
對酒放歌吾已倦
無魚彈鋏客何能
長卿四壁猶徒立
幾日淩雲動茂陵

雜感五首

蘭蕙生平田誅鋤
行及之葛藟蔽空谷
芳蕤何紛披黃
鳥鳴喈喈炎風自南來
翦刈勿輕棄絺綌尙可爲物生
各有用所託貴得宜
慎勿雜禾中與莠俱芟夷

雀啄蟲螳食既飽不肯息豈無稻粱謀同類還相賊微
命固云蹙爾喘亦苟延駿馬行春郊挾彈多少年

宋人得燕石乃作希世珍荆人獻良璞刑足遭沈冤世
事固如此悠悠安足論蒲柳無久蔭蓬葛無高柯貞心
與勁節此義良不磨努力愛明德去日已苦多

古義久衰息吾生將安歸人事有反覆世情成險巇朝
爲樹上花暮作園中泥榮落各異候棄捐良勿疑洪海
多波濤精衛安所施因知漢廷尉發憤署門時

荒坵多荆榛日莫悲風發死生亦常理憂傷故不達所
恨匣中劍一入延平津神物固難遇寶氣空沈淪願從
赤松游乞藥駐光采蓬萊海水闊仙人竟安在

乙巳春與蔡香慧

藍榜

嚴二如

昌鉦

同館潞邨擬

招其至近寺看梅不果

僻居猶喜未離羣準擬論詩到夜分佳句舊推何水部

香慧
善詩

豪情還屬卞田君

二如
善飲

野塘花事參差動溪寺

鐘聲次第聞只是一邨門巷隔無緣相伴踏斜曛

英兒生

吾尙慙爲犢何期復見雛漸知生我瘁差喜得親娛每
念憂堂構當年負矢弧遺經如可繼不敢病迂愚

自二月至五月不雨郡中全境枯旱聞近事有嘆

誰傾東海活枯魚五月卑田尙未鋤師曠歲先占旱草

展禽風已辨爰居

時郡南倪家溪山有異鳥二羊身犬尾赤首白身黑翼其鳴如羊居人皆

見之徒聞湯餅官廚出幾見春糧野老餘座上可無懷餒

客肆中應有換羊書

潞邨晚步

日色淡方夕行歌懷獨醒
炊煙前渡白漁火短篷青
倦翼憐歸鳥閒情愛早螢
行藏皆得計吾亦付冥冥

覓路披桑蔭巡畦問芋苗
屐泥行草盡衣暑入風消
墟市歸何晚人家住尙遙
石磯臨淺水倦坐看魚跳

溪橋不知處迤邐入前邨
遠火淡林出荒煙野寺昏
棹回聞草響水落見沙痕
欲共居人話車鳴晚正喧

遠渡誰相識沿溪問耦耕
山青當樹隱月黑照人行
邨

犬時時吠塘蛙處處鳴歸齋但拚醉慙愧主人情

答內

時在武林重訪龍青衛
紅蕉寄舍已屢易主

涼風動秋思行客倍相關舊事夢中夢新愁山上山林
稍含月媚巖際宿雲閒悵望銀河隔迢迢一水閒

附原寄題丙午七月十日家書後

涼月半輪秋披襟獨倚樓銀河水清淺脈脈望牽牛

哭載青叔

文章零落付秋風廿載相依幻夢中

叔幼寄讀予家一個愈知

姜族弱長途豈料阮生窮白頭青鬢雙熬泣破卵焚巢
兩世同身後遺書誰再讀茫茫無路問蒼穹

叔受室數年而無子

常謂自問不應無後

感舊

窮巷依然北郭鄰草堂一徑絕風塵舊時燕子誰家屋
前度桃花載酒人清簾疎簾曾看弈甘瓜朱李夏娛賓
歡場冷落無人繼網戶鼃絲廢榻陳

寄三兄京師

木落霜清大地秋北風吹柝夜生愁囊空苦索長安米
貂敝誰憐季子裘伏櫪身名悲越驥倚天心事看吳鉤
玉繩倒挂 宮城近雲際還應認斗牛

余於昨歲九月因積勞復挾食致疾時在潞邨主
人延醫視投湯液一盞輒不寐余堅守中醫戒
而主人諄勸再診醫來持前方甚力姑從之次
日不能起坐匆遽告歸多方補救茲歲初夏甫
就痊自丁至戊支離牀蓐者六匝月矣未幾聞

三兄之喪悲慟無已事稍定紀以長言得三十

四韻

盧扁不世出百憂方攖心昨歲困勞役孱質苦不任養
生復失宜宿食傷其陰肌膚發狂熱暴踰風雨侵癰工
不解事謂是暑氣淫兇兇肆攻伐雜進柴與芩一飲夜
無寐鰥魚游沸鬻再酌腰不起山壓愁單衾是時方邨
居催舟歸河潯入門各驚詫慈母淚泫泫諸弟扶向牀
爲我退衣襟反覆詰所由欲語如病瘖捫腹云有物脉

之牢以沈頰資麥麴功得後堅且黔歸臥頓神爽安眠
輟呻吟虛虛終被傷奄奄仍不斟顏色對慘戚感荷親
朋臨高翁知我貧慨然餽人襁扶羸洵有力生意同枯
林自余臥病始朔風吹寒砧及能扶杖立溪樹鳴春禽
背秋忽涉夏歲序何駸駸婉嬾室中婦累月髮不簪始
更理紅妝漸覺笑語淡有兄在京師鵠原來哀音失聲
一長慟天地爲我霽開緘詬醫庸藥物招凶祲念此不
訾軀奚止直千金柰何輕一擲枉遺鬼伯擒古來謀國

者求賢作舟霖堯舜雖上哲猶當畏孔壬付託苟失人
覆敗還相尋醫國等醫疾斯理昭古今願以草野言持
作御事箴

食蟹限尖團韻

陂田九月稻翻鎌湖蟹纔登樂事添正喜清霜飛靜夜
卽看高霧捲晴檐殼凝紅液如盤大螯弄滄波比戟銛
風味江南眞獨絕雌團還合勝雄尖

霜臍初剖雜鹹酸戈甲森森細擘難學士斗增詩力健

郎官須縱酒杯寬驅除寒性蠶花好洗滌腥風菊葉殘
隔舍已聞新釀熟明朝應更飽黃團

已酉四月歸自武林有懷湖上舊游

天桃絢紅萼山寺猶春寒良朋恣追游投契芬若蘭分
手異吳越花事亦漸闌斗酒不復持顛倒懷舊歡之子
雖云遠不隔浮雲端何由乞靈藥一夕生羽翰

夏日自嘲四首

養拙吾廬亦泰然倦來聊學北窗眠病工僕識君臣藥

囊攄妻愁子母錢移竹小園諏醉日掃花幽徑趁晴天
滌除萬事耽行樂不用丹砂自駐年

身後微名苦絆拘閉門應笑著書愚寓言已厭蒙莊子
擬易終慙莽大夫好雨夢回思啜茗清風人至促提壺
前溪碧水新添尺擬向烟波學釣徒

吾樂應知未有涯故園風物亦堪誇堆盤已薦楊家果
擘玉新嘗邵氏瓜簾淨小童晨薙草枕香侍女夜藏花
高情絕勝閒居賦隨意琴書翫歲華